



Ministry of Education and Science

JAVNA USTANOVA UNIVERZITET U TUZLI
UNIVERZITET 26-02-2026



Muhameda Hevajja Uskufija 1, 75000 Tuzla • Tel: +387 35 281 296

Prim: Fax: +387 35 281 342 26-02-2026 mail:mon@tk.kim.ba

Org. jed.	
01	3630-2/25

Broj: 10/1-34-023601-3/25
Datum: 05.02.2026. godine

Na osnovu člana 31. stav (4). Zakona o visokom obrazovanju – prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22) i člana 27. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22), u postupku rješavanja po zahtjevu Univerziteta u Tuzli za akreditaciju klastera studijskih programa prvog i drugog ciklusa studija Filozofskog fakulteta Univerziteta u Tuzli, Ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE o akreditaciji studijskih programa

1. Akredituju se studijski programi prvog i drugog ciklusa studija na Filozofskom fakultetu Univerziteta u Tuzli, i to:

- Pedagogija (I ciklus studija)
- Pedagogija (II ciklus studija)
- Predškolski odgoj i obrazovanje (I ciklus studija)
- Razredna nastava (I ciklus studija)
- Razredna nastava (II ciklus studija)

2. JU Univerzitet u Tuzli je ovlaštena da dodjeljuje akademske titule, zvanja i izdaje diplome koje se stiču izvođenjem studijskih programa iz tačke 1. ovog rješenja na ovoj ustanovi.

3. Rješenje o akreditaciji izdaje se na period od pet godina, počev od 05.02.2026. godine.

4. Obavezuje se JU Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju studijskih programa.

5. Ovo rješenje stupa na snagu danom donošenja.

O b r a z l o ž e n j e

JU Univerzitet u Tuzli podnio je Ministarstvu zahtjev za klastersku akreditaciju studijskih programa prvog i drugog ciklusa studija Filozofskog fakulteta, aktom broj: 01-3630-1/25 od 02.6.2025. godine, i to za studijske programe: Studijski program prvog ciklusa studija Pedagogija, Studijski program drugog ciklusa studija Pedagogija, Studijski program prvog ciklusa studija Predškolski odgoj i obrazovanje, Studijski program prvog ciklusa studija Razredna nastava i Studijski program drugog ciklusa studija Razredna nastava. Podneseni zahtjev Ministarstvo je zaprimilo pod brojem: 10/1-34-023601/25 od 24.8.2025. godine. Ministarstvo je nakon toga dokumentaciju dostavljenu od strane JU Univerziteta u Tuzli aktom broj: 10/1-34-023601-1/25 od 29.8.2025. godine i aktom broj: 10/1-34-023601-2/25 od 22.9.2025. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za akreditaciju studijskog programa (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-483-4/25 od 16.10.2025. godine.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu 04. decembra 2025. godine te nakon toga sačinila Izvještaj o eksternoj evaluaciji.

Dana 30. decembra 2025. godine Agenciji je dostavljen Izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o klsterskoj akreditaciji studijskih programa prvog i drugog ciklusa studija Filozofskog fakulteta Univerziteta u Tuzli. (u daljem tekstu: Izvještaj).

U skladu sa Odlukom o normama, Komisija je ocjenila ispunjenost svih deset kriterija kao potpuno ili znatno ispunjeni za studijske programe:

- Pedagogija (I ciklus studija)
- Pedagogija (II ciklus studija)
- Predškolski odgoj i obrazovanje (I ciklus studija)
- Razredna nastava (I ciklus studija)
- Razredna nastava (II ciklus studija)

JU Univerzitet u Tuzli bi trebao po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.


Na osnovu Izvještaja i mišljenja Komisije da studijski programi prvog i drugog ciklusa studija Filozofskog fakulteta Univerziteta u Tuzli ispunjavaju propisane uvjete za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-483-7/25 od 21.01.2026. godine i istu dostavio Ministarstvu na daljnje postupanje.

Na osnovu naprijed navedenog, Ministarstvo je cijenilo da su ispunjeni svi propisani uvjeti za izdavanje akreditacije za predmetne studijske programe podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a
- EM



MINISTAR

dr. sc. Ahmed Omerović